

DAVID L. HERRICK



ЛІОКО

[Faint, illegible handwritten text at the bottom of the page]

HEROES DAVIDICI.

Ad Lectorem.

Cum statuissem apud me destinati operis specimen aliquod publicè exhiberes placuit, Amice Lector, Davidicos Heroas in primà acie proponere, ut qui melius fortasse locum istum tueri posse videantur. Tu interim manco huic Poemati modo arrideas, suis dehinc muneris absolutum pollicemur: sin minùs, aliquid solatij erit tantillum operæ perdidisse, Vale.

* * * * *

An te omnes princeps, parvâ stipante catervâ,
Barzillai sterit; Ille annis rivulisque verendus
Barzillai, qui dextrâ olim crudele rebelli
(Ultrâ spumantem *Jordani* fluminis undâs)
Extorsit ferrum, & surgentes contudit iras:
Hostili tandem nec diis, nec viribus æquis,
(Heu frustra audacem!) turmæ congressus, Herili
Succubuit fato, sociosque per omnia Luctus
Pertulit, & paribus fixit vestigia curis.
Donec longa Dies patriâ confidere Terrâ
Jussit, & in solido rursus *Fortuna* locavit.
Fraus illi nescire dolos, dùm nomine solo
Aulicus, effuso sparsit vaga munera nimbo:
Et crevere pares, auro crescente, favores.
Ille opibus juvat, vultu ille accendit amico

Bellantemque Ducem, & referentes bella Camænas.
 Natorum incanum quondam numerosa Parentem
 Turba coronabat: primum nunc stirpis Honorem
 Spemq; domûs orbæ dolet. — Illum Ego semper acer-
 Semper honoratum (sic dii voluistis) habebo. (bum.
 Illum ego — adhuc viridi florentem robore, lævis
 Ereptum auspiciis, & iniqui crimine fati:
 Ante tamen summæ tangentem culmina famæ;
 Ante & muneribus functum, quæcunque parenti
 Debuit, aut Regi. Properanti meta Laborum
 Longa stetit, medii longum æquoris intervallum:
 Ille, usque obstanti spatio, post terga reliquit
 Temporis haud æquas, pedibus pernicios, alas.
 O nimis angusti constrictus limite gyri
 Circulus! at toto, quaquâ patet, integer orbe.
 Terra Tuis infecta, Tuis rubet unda Triumphis;
 Arma Tibi in votis, Tibi Mars & prælia cordi.
 Cum Tua Sidonios virtus infracta maniplos
 Fulserit, attonitis rediit *Niloticus* alis
Victor, & alterni erubuit discrimina Fati.
 Grande Decus *Solyma*! Caput insuperabile bello!
 Et nunquam hostili conspectum impune catervæ!
 Ah! nimium *Judea* Tuis indigna Trophæis.
 Immodicis brevis est ætas, & rara senectus.
 Dùm læva (heu!) nostram meditantur sydera cladem,
 Successusq; novos spectant, metuuntque futuros,
 Te rapit atra dies, & funere mergit acerbo,
 Irrita ne fixi reddas præfagia Cæli.
 Nunc fugis exuto terrenæ pondere molis,
 Et vagus insueti limen miraris Olympi,
 Sub pedibus nubelque videns, & Sydera. Longo
 Illinc cognatos possis diducere Turmas
 Ordine, & insidijs fracto succurrete Regi.
 Siste gradus hic, musa, tuos; hic exue pennas:

Siste



Siste gradus.—Quis enim tanti fastigia clivi
 Ascensu superet? — Mibi jam nimis alta petenti,
 Et mæstum rauco modulanti gutture carmen,
 Desi ciunt vires.—Quid Te iuvat usque morati,
 O anima, erepto Domino? ni forte sub umbras
 Fugisti comes, & lugubrem hunc marmore veisum
 Incidi placuit, Monumentum & pignus amoris.
 Ergo age, præcipiti delabens tramite Terras
 Respice desertas; similemque per atria Regum
 Quære virum.—Heu similem nequicquam!—Ecce Alter
 Leviticæ *Sadoc* Custos sanctissimus Aræ, (ab illo,
 Qui tulit invitus (Judæi insignia mystæ)
 Fulgentem in gremio Thoracem, in vertice Mithram.
 Et juxta *Solymæ Præses*, quem larga bonorum
 Pectora nobilitant. & avari stemmatis ordo.

Hesperij Laris Antistes, cui copia torrens
 Dicendi, validi semper comes argumenti.

His super exemplis jam pridem accensa Juventus
 Instituit primos Regi Musisque Labores.
 Scilicet auspicijs florent Regalibus; & quas
 Rex habet infestas, & habent Collegia, Turmas.

Hos à calce premunt Judæi gloria rostri,
 Qui juris nodos, & legum ænigmata solvunt.

Exiguum hinc fidumq; ducum sese explicat Agmen:
 Ante omnes *Adriel*, venam natura benignam
 Cui tribuit, solidæque argutum mentis acumen.
 Pieridum Fautor: nescit sed & ipse canoris.
 Eloquium vocale modis.—Fervente senatu,
 Jus sacrum asseruit regni, non turpiter audax.
 Hinc *Jessæus* amoritulis adjunxit avitis
 Haud merito raptam nati de tempore Laurum.

Huc etiam *Jothamus* adest, cui divite venâ
 Largus & exundans prompti fluit ingenij fons.
 Edoctus regere occulto fluitantia cætu

Consilia, & dubiæ moderari fræna catervæ.
 Ille ubi jam medios sensit delapsus in hostes
 Festinata retro præceps vestigia torfit;
 Ancipitemque suo firmavit pondere Lancem.
 Tantam unus tremulæ Libræ molem intulit Heros.


Nunc Musa, *Husbaum* memora, civilibus iris
 Jactatum, populique minis, per iniqua viarum
Jesside comitem. Peregrino sydere rerum
 Fluctibus in medijs teneros exercuit annos.
 Nativasque auxit cana experientia dores.
 Olli parca manus: Regalis parca crumenæ,
 Larga suæ Pleno facile invigilabis acervo:
 Sed tenuem cauto moliri pectore gazam
 Hoc opus, hic labor est——

Tum sacra Principibus crescit languet ve Potestas,
 Cum sua Vulgus emant, cum vendant jura Tyranni.

Extremum hunc *Amieli*, Erato, concede laborem
 Fessa licet: Quis non *Amielem* carmine laudet?
 Non tam illum Proavi, veteriq; a sanguine sanguis,
 Quam sua nobilitat virtus: Hæc Ille frementem
 Hinc atque hinc æquâ libravit lance senatum;
 Inflexitque animos dictis, & pectora mulsit.

Consilij acer jus non violabile regni
 Afferuit, patriæque fidem: quasi clauserat uno
 Pectore adhuc brevius triplicis Compendia Gentis.
 At nunc præcipites undantia lora remittunt
 Aurigæ; juvat hos ignoto tramite labi:
 Hi temerè annorum, veluti *Clymenæia Proles*,
 Æternas miscere vices, fixumque Tenorem
 Mutare, & stabiles fati confundere Leges.
 Interea hæc *Amiel* vultu miseratus amico
 Spectat; & exalto curarum pondere, carpit
 E meritam placidâ compositus pace quietem.





1482 b6-11

A VIEW
OF THE
Proceedings of the
WESTERN-COUNTIES
FOR THE
PACIFICATION

C8793

Of their present troubles:

AS ALSO OF
THE PLOTS AND PURPOSE
to Disturbethe same.

Pfal. CXX. vers. V.

*My soule hath long dwelt amongst those that be
Enemies unto Peace.*

Printed in the Yeare,

1 6 4 2.